

01 OCT 1996

PM RASMI MENARA KUALA LUMPUR MALAM INI

KUALA LUMPUR, 1 Okt (Bernama) -- Perdana Menteri Datuk Seri Dr Mahathir Mohamad akan membuka dengan rasmi Menara Kuala Lumpur malam ini.

Menara setinggi 421 meter, yang merupakan menara komunikasi yang keempat tertinggi di dunia, dibuka kepada orang ramai pada 23 Julai.

Peristiwa malam ini akan disiarkan secara langsung oleh Radio dan Televisyen Malaysia (RTM) dan, buat kali pertamanya di Malaysia, siaran secara digital bagi perasmian itu boleh diperolehi dalam Internet melalui halaman induk nombor <http://live.rtm.net.my/kltower/>.

Acara menarik sempena perasmian itu termasuk pertunjukan berharga RM1.2 juta mengandungi pertunjukan cahaya laser, muzik dan bunga api yang dianggap terpanjang di dunia meliputi keseluruhan ketinggian menara itu.

Menara yang mengadunkan unsur-unsur seni semasa dan tradisional Islam itu dibina dengan belanja RM270 juta. -- BERNAMA

MAM CTL NMO